



中國大事記



民國四年一月七日

●令巡按使代巡所屬地方……令曰。民爲邦本。本固邦寧。一夫不獲。若納溝中。伊尹之所以爲任。視民如傷。哀此覺獨。

周文之所以爲仁。蓋有不忍人之心。斯有不忍人之政。周知民隱。而後能顧畏民瘁。治道之隆。罔不由此。後世堂廉隔絕。閭閻情狀。壅於上聞。以致猾吏肆其侵牟。豪強恣爲魚肉。小民抑鬱不平之氣。橫決而釀爲厲階。孟子言得民之道。在所欲與聚。所惡弗施。洵爲篤論。本大總統奮勞于野。民之情僞。既知之矣。願自受任以來。身膺艱鉅。日昃不遑。愧未能巡視郊原。拊循父老。加以干戈甫息。旱澇頻仍。傷鴻雁之哀鳴。歎魴魚之賴尾。爲民司牧。而無以勞來安集之。豈不疚心。政府保護人民。百端待舉。人民固負納稅之義務。國家亦有取民之常經。但恐令甲所垂。官吏奉行不善。或舞文弄法。或假公濟私。蚩蚩之民。無所告語。其何以培養元氣。感召天和。在昔太史觀風。適人振鐸。三載巡方之典。六條課吏之文。所以宣

布德音。講求治術。存問耆老。軫念痼瘼。實有至誠惻怛之心。非以煦嫗噢咻爲事。新邦肇造。三年於茲。歲首始和。萬物萌動。著各該省巡按使代爲巡視所屬地方。輕車簡從。由近及遠。期以半年。周流各屬。所至問民疾苦。宣德通情。率同各道尹縣知事。切籌爲民生利之法。所有川資食用。應准作正開支。本大總統前任封疆。經過地方。不准有絲毫供億。曾抵山東禹城。庖人後至。自購饅首。淡食充飢。左右以爲言。拒之曰。守所食有限。恐從者傳食。其謂民何。且予懼司道以下之效尤也。各該巡按使宜體此意。衛隊切須約束。隨從務宜減少。多一人卽費一防閑。到一邑必懸一厲禁。並按名發給伙食。有擾民者罪之。趙充國曰。百聞不如一見。范仲淹曰。一家哭何如一路哭。各該巡按使其精白乃心。勤求民瘼。隨時考察。列款密呈。本大總統將親覽焉。

同 十日

●川邊營長陳步三變叛……陳步三前在鄉城鹽井擁兵自衛。迫

28134 營各軍。同行變亂。經川邊鎮守使派兵征勦。惟以地方僻遠。餉絀兵單。尚未得手。

同 十二日

●貴州威寧畢節匪亂……貴省威寧兩縣。地居極邊。匪風素熾。近因人民反抗禁烟。匪徒從中煽惑。聚集數千人。希圖起事。經省吏飭隊馳勦。已漸撲滅。

同 十三日

●奉天新民縣人民反抗清丈……新民縣某鄉人民。因省令開辦清丈。日前由姚某率領鄉民二三百人。各執槍械。圍攻該鄉清丈局。相持兩晝夜。旋由他鄉巡警及知事派警到場彈壓解散。

同 十四日

●四川各屬土匪滋事……川省土匪。勢極披猖。成都江津宜賓興文銅梁南溪洪雅長寧巴縣樂山峨眉溫江內江榮縣高縣開縣簡陽各屬。均時被滋擾。陳巡按使已派員督隊。分頭勦辦。

同 十八日

●公布修正崇聖典例……典例見法令門。

●公布修正關於人事證憑貼用印花條例……條例見法令門。

●嘉獎四川覆選監督巡按使陳廷傑宣告脫黨……籌備立法院事務局。以四川覆選區監督陳廷傑電稱。遵大總統令宣告脫離其和黨籍。特呈請大總統傳令嘉獎。

●駐京日使提出要求條件……傳聞條件共二十一款。其後日本通告各國。則為十一款。兩方政府。均未宣布。據外報所傳。頗

為奇酷。經外交部於二月二日五日。與日使開會交涉。嗣復為非正式之討論。現尙無結果。

同 二十日

●中俄蒙古會議將次解決……中俄關於蒙古事宜。在恰克圖會議。開議以來。迄已數月。近傳已有多項於十二月二十六日議決。並有謂正約已簽字。現在開議附約者。外報所傳之條款。多有出入。政府無正式之公布。故確否尙難懸定。

同 二十一日

●司法部呈擬刑事訴訟審限規則……司法部前奉大總統令。以前據司法總長梁啟超條陳司法計畫十端。經政治會議逐款議決分別辦法。責成該部切實釐訂。特就原呈所列第三端照定審限。擬具刑事訴訟審限規則。呈經大總統覆核修改。批令通行遵照。(規則見法令門)

同 二十二日

●內務部呈請省道縣增設掾史並擬訂縣知事甄別章程……三年十一月。政治討論會議覆安徽巡按使韓國鈞條陳。擬於省道縣各公署增設掾史數缺。並擬規定縣知事甄別。請飭內務部妥議。經部議以增設掾史。保管文卷。自屬切要之圖。應請添設。各就本署經費內勻配開支。需缺若干。由各地方官分別酌擬。咨部核定。並擬具縣知事甄別章程七條。呈奉大總統批准通行遵照。(章程見法令門)

同 二十五日

●德國公使覲見……德國新任公使辛慈。本日覲見。呈遞國書。
●教育部派參事王振先考察日本教育。

同 二十七日

●特任孫寶琦爲審計院院長陸增祥爲外交總長……原任審計院長李經羲。因病呈請辭職。

●善後借款停止四省保息……民國二年四月。政府與五國銀行團訂定善後借款合同。載明此項借款。以鹽務收入之全數。作爲擔保。而於鹽務正在整頓之際。及自本合同債票發售後第一個月起。直隸山東河南江蘇四省。應提出款項。足敷本合同附表所開本借款內應還之數目。於未到期十四天以前。按月交存於銀行。俟一週年鹽務所收入。足敷其所擔保之各借款。及他項債務。並此次借款。且更有餘款足敷此次借款次年上半年應付利息之用。則所言各該省按月應交存之款項。可以暫行停止。而此次借款應備之款項。應即由鹽務收入內交付。倘將來鹽務收入。接連三年。足敷預備開支。則各省之擔負。即行取消。各該省應交存之款。爲付借款所需者。必須有六個月積存。以備將來或有中止交付情事。至暫行停止交存之時爲止等語。自民國三年一月一日起。至十二月底止。鹽款收入。除鹽務各種機關經費。及紙幣虧折。各省挪用未經取回。暨撥付地方公益經費外。存五國銀行團銀元五千七百八十三萬三千七百五十六元有奇。按照合同及附表所列擔保各借款計算。停止保息所需之數。爲關平銀三千三百九十二萬七千兩。現所交存。已遠過

此數。當經財政總長兼鹽務督辦函改五國銀行團代表照禮爾。擬從此停止四省每月交付保息款項。即經該代表覆函贊成。

●陝西宜君開辦油礦……全國煤油礦。先從延長入手。已於去年十月開工。陝西中部宜君等處。產油之富。不亞於延長。故第二批鑿井機器。擬在宜君一帶試行開鑿。現於一月二十一日運抵該處。本日由籌辦全國煤油礦事宜熊希齡具文呈報。

●經界局組織委員會……經界局蔡督辦。以該局設立伊始。百端待理。非討論精詳。不足以期完備。擬組織一經界評議委員會。徵集富於經驗。精於技術。暨各機關主管人員。爲本會會員。按照部呈原擬辦法。逐節籌議。並將進行之各項計畫。詳加研究。俾臻妥協。

同 二十九日

●直巡按呈准與察哈爾都統劃分張家口辦事權限……察爾哈定爲特別區域。與直隸以外長城爲界。原駐張家口之察哈爾都統。應移駐口外。前經都統何宗蓮呈准。於未移駐之先。張家口鎮地面行政權。借歸察哈爾都統暫行管理。茲直隸巡按使朱家寶復呈稱以張埠係屬直隸萬全縣管轄。其地面行政權。自應由萬全縣執行。若劃歸察轄。則區域破碎。政事紛更。財政關係。訴訟習慣。均多窒礙。擬將張家口地面行政各權。除警察禁烟兩項移歸都統管理。暫仍其舊外。其餘一切行政司法事宜。仍由萬全縣秉承直隸各該長官辦理等語。當奉大總統批令照准。

同 三十日

28136

●財政部設立幣制委員會……財政接收幣制局後。以幣制事宜。千端萬緒。仍須隨時研究。期於縝密。擬於本部設立幣制委員會。以前幣制局副總裁章宗元為委員長。本部泉幣司長吳乃琛為副委員長。審計院副院長、中國銀行總裁副總裁、交通銀行總理協理、造幣廠總監督、並遴選前幣制局人員。及其他究心幣制。具有學識經驗者。為委員。凡幣制重要問題。悉付討論。擬具委員會規則十條。呈請大總統批准。

二月 一日

●總統府設立翊衛處……總統府內設翊衛處。由駐京王公中。派都翊衛使一員。翊衛使四員。翊衛副使六員。翊衛官八員。其年班來京之王公等。得由蒙藏院酌其勤勞資俸。呈請賞給翊衛使翊衛副使翊衛官等差。

●四川組織興業公司……四川紳商。以川省物產豐饒。特發起一興業股份有限公司。擬集資金一千萬兩。劃分二十萬股。定五千股為甲種。收集現金。由發起人擔任。其餘股金。准以有價證券充之。例如前川漢鐵路公司股票等。均可入股。定為乙種。已設立籌辦總事務所。舉定事務所總協理。繕具章程。稟請巡按使批准備案。

同日 一日

●內務部呈准將新疆喀什噶爾道屬且末縣改隸阿克蘇道……內務部准新疆巡按使咨稱。新省新設且末縣。舊名卡牆。向歸于閩縣管轄。嗣因距縣治有一千四百餘里之遠。電請改隸塔羌。

復以距塔羌亦在千里以外。電請改設縣治。查塔羌關係阿克蘇道管轄。且末前既改隸塔羌。復由塔羌分設縣治。究與塔羌相距較近。且為由塔羌赴南疆之咽喉。應請將且末一縣。劃歸阿克蘇道轄境等因。當據情轉呈。奉批照准。並飭法制局將新疆省各道區域查照修正。

同日 三日

●江西省南潯鐵路全路通車

同日 四日

●參政院開院……參政院於去年十二月閉會後。現為第二屆開會。

同日 五日

●外交部派員赴粵勘界……外交部派秘書劉符誠赴粵。會勘澳門界址。

同日 六日

●京兆招商運米併歸漕運局辦理……順天府尹。前以京師民食維艱。呈准招商運米五十萬石。嗣財政內務兩部復呈准設立漕運局。採運糧米。以平市價。茲漕運局擬將商運歸併該局辦理。原定報効米石。由局照數承認。詳由內務財政部呈請批准。

同日 八日

●平政院審決江蘇報銷八釐公債案……三年六月。大總統據審計處總辦章宗元。財政總長周自齊。呈稱江蘇承領八釐公債。報銷不實。當交平政院澈查。經院會同肅政廳查辦。由肅政廳

具呈糾彈。七月八日。奉大總統交平政院照章辦理。即經平政院將被糾彈人前江蘇都督程德全前江蘇民政長應德閔。及關係人前江蘇財政司長龔傑等。分別傳案。程龔龔傳未到。應德閔始於十一月到京。當查照糾彈原案。將八釐公債票之抵押。及日暉呢廠之收歸省有兩項。開庭預審。審得抵押一項。該省原向中央請領債票五百萬元。除經售三十一萬元。撥江蘇護軍使三十萬元。陳其美二十萬元。收回日暉呢廠五十七萬元。八千八百元外。所餘之三百六十一萬一千二百元。均由應德閔經手需理。據先後報部之案。及到案所供。暨行查所得。其抵押銀數。抵押成數。是押是絕。與夫受押戶名。均多矛盾。與事實不符。足以證明應德閔有侵佔之意。收買呢廠一項。當收回之先。應德閔並未報部核准。事後又復捏稱湊濟軍用。請部發息。且受該廠要求。聽其妄報。不加駁斥。亦難免無別項情事。疊經開庭研鞫。審查擬結。繕具裁決書。備文呈報。以應德閔偽造報銷。意圖侵佔。業已涉及刑事範圍。請先行褫職。交司法官署依法辦理。龔傑係屬共犯。應請一併褫職。嚴拏歸案訊辦。程德全領取債票。移歸應德閔處分。任其捏報。漫不覺察。於咨部文件。率爾會銜。亦有應得之咎。應請飭付懲戒。由主管官署依法議處。日暉呢廠收買。公家受虧甚巨。應責成江蘇巡按使。將前訂合同取消。另行酌辦。當奉大總統批准。

同 十日

28137

●稅務處派員調查常德地勢商務擬開商埠……湖南常德府。商

務素盛。前清光緒末季。及民國初年。均有關為商埠之議。嗣以事阻不果行。近由中央稅務處核議。以該地為八省通衢。水陸交通。四川雲貴各物產。均以此為出路。開關商埠。不宜遲延。特派該處幫辦劉次源。長沙關監督朱彭壽。稅務司克爾司。為調查員。會同前往考察。

同 十二日

●公布修正國籍法施行規則……規則見法令門。

同 十三日

●公布權度法施行細則……大總統制定公布。細則見法令門。

●公布官用權度器具頒發條例……大總統制定公布。條例見法令門。

同 十七日

●山西垣曲縣軍隊譁變……晉南鎮守使所部駐垣曲之一支隊。因事譁變。盡斃排長什長。並劫掠商號。

同 二十日

●任命陳宦會辦四川軍務

●八釐軍需公債第一期價本……財政部於本日執行八釐軍需公債第一期價本抽籤事宜。在中華門內設立會場。邀集各界。當衆抽籤。計抽二十三籤。每籤五萬元。共價本一百十五萬元。